

Dialog 1

<i>camerier:</i>	Veis Vus aunc in giavisch?
<i>hosp:</i>	Na, tut bien. La tscheina ei stada buontad. Astgassen nus pagar?
<i>camerier:</i>	Secapescha. Jeu portel gest il quen a Vus.
<i>camerier:</i>	Cheu ei il quen. Quei fa tut ensemen 86 francs e 70. Leis Vus pagar bar ni culla carta?
<i>hosp:</i>	Sche pusseivel culla carta. Fagei 90.
<i>camerier:</i>	Engraziel fetg! Vesses Vus bugen ina quittance?
<i>hosp:</i>	Gie, bugen.
<i>camerier:</i>	Cheu ei Vossa quittance. Engraziel fetg per Vossa viseta. Nus vessen plascher d'astgar beneventar Vus in'autra ga puspei cheu tier nus.
<i>hosp:</i>	Engraziel fetg, nus vein gudian quella sera e turnein segir puspei inaga.
<i>camerier:</i>	Adia! Biala sera e bien retuorn a casa.
<i>hosp:</i>	Sin seveser.

Dialog 2

<i>hosp:</i>	Camerier, astgassen nus ver in auter glas? Quel cheu ei tschufs. E la suppa ei memia salada.
<i>camerier:</i>	Ou, jeu stun mal. Vus saveis dar la suppa a mi, jeu mirel gest cul cuschinier. E portel a Vus in auter glas.
<i>camerier:</i>	Perstgisei, Vus survegnis secapescha in'autra suppa.
<i>hosp:</i>	Na na, quei ei buc necessari.
<i>camerier:</i>	Astgel jeu lu offerir in caffè a Vus enstagl?
<i>hosp:</i>	Na, quei ei schon en uorden. Nus pagassen denton bugen.
<i>camerier:</i>	Secapescha. Cheu ei Vies quen. Nus vein buc quintau la suppa e lein seperstgisar en tutta fuorma per quei incap. Bugen beneventassen nus Vus in'autra ga cheu en nossa uustria.
<i>hosp:</i>	Jeu pagass bugen bar.
<i>camerier:</i>	Gie, secapescha, ei fa tut ensemen 35 e 90.
<i>hosp:</i>	Fagei 38.
<i>camerier:</i>	Engraziel fetg ed jeu sperel che vus sappies malgrad tut aunc guder ina biala sera. Nus vegnin in'autra ga a far tut il pusseivel per evitar da quels disturbis.
<i>hosp:</i>	Sin seveser.
<i>camerier:</i>	Adia e sin seveser.

Dialog 3

<i>camerier:</i>	Jeu sperel che tut seigi en uorden. Sai jeu aunc purtar zatgei a Vus?
<i>hosp:</i>	Na, igl ei tut bien. Il vin ei staus exquisits. Ed era ils capuns. Co vegnan quels fatgs?
<i>camerier:</i>	Quei ei in recept dalla casa. E la carn deriva da producents dalla regiun.
<i>hosp:</i>	Quei tuna interessant. Nus turnein segir puspei in'otra ga.
<i>camerier:</i>	Grondius, gliez fa plascher.
<i>hosp:</i>	Igl ei tard. Savessen nus ver il quen?
<i>camerier:</i>	Gie, secapescha, jeu vegn immediat. Ni che Vus saveis gest pagar alla cassa.
<i>hosp:</i>	Gie, bugen, jeu vegnel alla cassa.
<i>camerier:</i>	Tut ensemen fa quei 113 e 60.
<i>hosp:</i>	Fagei 130.
<i>camerier:</i>	Engraziel fetg, quei ei fetg generus. Duvreis Vus ina quittance?
<i>hosp:</i>	Bugen! Engraziel fetg e sin seveser in'otra ga.
<i>camerier:</i>	Biala sera e vegni bein a casa. Sin seveser!